

և մխիթարէր 'ի նմանէ իրրեւ 'ի Հրեշտակէ Աստուծոյ » :

Ապա յետ վախճանի սրբոյն, որ եղեւ յիտալիա 'ի վանքս Բինետիկտեան կրօնաւորաց, ուր պահէն ասէ ամբողջեալ յարկեղս խարաղն նորա, Ստղմոս և Կտակարան հայերէն, բերեալ ընդ իւր 'ի հայրենի աշխարհէն : Եւ թուղթ մի 'ի Հայ լեզու գրեալ առ նա յԱրսենէ Հայ եպիսկոպոսէ Երուսաղէմի, զոր ոմանք դնեն լինիլ Պատրիարք քաղաքին : Սա ինքն Արսէն գրեալ էր և զայլ թուղթ մի յանձնարարական ընդհանրապէս առ Արեւելեայս յետ ելանելոյ սրբոյն 'ի Պաղեստինոյ : Պատմ. Հայ. Հատ. Բ. 861-865 :

Զվառաւոր տաճարն, զոր ետ կանգնել Մեծն Կոստանդինոս 'ի Դիոսպոլիս, այն է Լիւդեա, յանուն Ս. Գիորգայ զօրավարին, 'ի հայրենիս մօր նորին, զինի փոխադրութեան նշխարաց սրբոյն 'ի Նիկովիդեայ, աւերեաց զոյն Սուլթանն Եգիպտոսի, զի մի Լատինք առեալ զնիւթս նորա՝ շինեացն մեքենայս պատերազմի ընդդէմ Երուսաղէմի (1010) :

Ապա 'ի վերանալ թուականին ՀՃԾ (1034) եղեւ երկրաշարժ յեգիպտոս, յԱսորիս և 'ի Պաղեստին, յորմէ անկան և կործանեցան շինուածք մեծամեծք, և մեռան բազմաթիւ մարդիկ 'ի վրատակս նոցին : Աւերեցաւ և երկրմասն Ռեմէ քաղաքի, փնասեցաւ և մղկիթն 'ի նմա. և բնակչաց խոյս տուեալ 'ի քաղաքէն, դադարեցին արտաքոյ նորին աւուրս 8 և անդրէն դարձան 'ի տեղիս իւրեանց : Աւերեցան ոմանք 'ի շինուածոցն Երուսաղէմի, փնասեցան մղկիթքն Օմարայ և Հայր Արաճամու 'ի Քերքոն :

Աթսիզ պըն Աւք 'ի Խարեզմայ, զոր տոհմային պատմադիրք կոչեն Ախթա, տիրեաց Երուսաղէմի և Ռեմէ քաղաքի յաւուրս Մուսթանար Պիլլահ խալիֆային Եգիպտոսի, և յետ երկու ամաց իսպառ բարձաւ իշխանութիւնն Ֆաթիմեան 'ի Պաղեստինէ, և անկաւ ընդ իշխանութեամբ Ապպասեան խալիֆայի, որք նստէին 'ի Պաղատաւ ՀՃԾ (1072) : Եւ յետ այնորիկ տիրեաց նաեւ Դամասկոսի, ուր և սպանաւ զինի 6 ամաց : Եւ եկաց իշխան երկրին Թըթուշ՝ որդի Ալփաւանայ 'ի Սելճուդ տոհմէ և յԵրուսաղէմ, որ համարեալ էր յայնժամ մին դաւառաց Դամասկոսի, եկաց իշխան Արթուք Պըն Էքսիք 'ի Թիւրք-